



Broj: 17-14-1-1463-2/17
Sarajevo, 20. april 2017. godine

**PARLAMENTARNA SKUPŠTINA
BOSNE I HERCEGOVINE**

**- PREDSTAVNIČKI DOM
- DOM NARODA**

20.04.2017
0102-05-2-1055/17

B


Predmet. Saglasnost za ratifikaciju sporazuma, traži se

U skladu sa članom 16. Zakona o postupku zaključivanja i izvršavanja međunarodnih ugovora ("Sl. glasnik BiH", br 29/00 i 32/13), dostavljamo vam radi davanja saglasnosti za ratifikaciju:

Sporazum o statusu i funkcionisanju Međunarodne komisije za nestale osobe, potpisan 15. decembra 2014. godine.

Budući da je Ministarstvo za ljudska prava i izbjeglice BiH nadležno za provođenje postupka za pristupanje BiH ovom sporazumu, molimo vas da na sastanke vaših komisija, odnosno sjednice Doma, pored predstavnika Predsjedništva BiH, kao predlagača, pozovete i predstavnika Ministarstva koji zastupnicima, odnosno delegatima može dati sve potrebne informacije.

S poštovanjem,



GENERALNI SEKRETAR

Mato Zek

Boris Buha



= služba gzd nro
19.04.2017. godine
M. Crnadak

MFA-BA-MPP
Broj: 08/1-23-05-4-7304-6/16
Datum: 12.04.2017.godine

PREDSJEDNIŠTVO
BOSNE I HERCEGOVINE
SARAJEVO

PREDSJEDNIŠTVO BOSNE I HERCEGOVINE
SARAJEVO

PRIMLJENO.....18-04-2017.....20.....			
Organizaciona jedinica	Klasifikacijski oznaka	Ručni prij.	Broj prijeka
17	17-1	1463-1	

PREDMET: Prijedlog Odluke o ratifikaciji Sporazuma o statusu i funkcionisanju
Međunarodne komisije za nestale osobe, dostavlja se


U prilogu akta dostavljamo prijedlog Odluke o ratifikaciji Sporazuma o statusu i funkcionisanju Međunarodne komisije za nestale osobe, potpisanog u Briselu, 15. decembra 2014. godine, na engleskom jeziku.

Predsjedništvo Bosne i Hercegovine je na 19. redovnoj sjednici, održanoj 28. januara 2016. godine, donijelo Odluku o pristupanju Bosne i Hercegovine Sporazumu o statusu i funkcionisanju Međunarodne komisije za nestale osobe.

Vijeće ministara Bosne i Hercegovine je na svojoj 97. sjednici, održanoj 6. aprila 2017. godine, utvrdilo prijedlog Odluke o ratifikaciji navedenog Sporazuma.

Molimo da Predsjedništvo Bosne i Hercegovine, u skladu sa odgovarajućim odredbama Zakona o postupku zaključivanja i izvršavanja međunarodnih ugovora ("Službeni glasnik BiH" broj 29/00 i 32/13), provede postupak ratifikacije navedenog Sporazuma.

S poštovanjem,



MINISTAR

gor Crnadak

Prilog: kao u tekstu

SPORAZUM O STATUSU I FUNKCIONIRANJU MEĐUNARODNE KOMISIJE ZA NESTALE OSOBE

Strane ovog sporazuma,

Zabrinute zbog činjenice što u svijetu svake godine nestane veliki broj osoba zbog oružanih sukoba, kršenja ljudskih prava, prirodnih i katastrofa koje je izazvao ljudski faktor i drugih nevoljnih razloga;

Konstatirajući da problem nestalih osoba ne bira granice i da se na pitanje nestalih sve više gleda kao na globalnu zabrinutost, koja zahtijeva strukturalnu i održivu međunarodnu reakciju;

Shvatajući da je u posljednje dvije decenije postignut značajan napredak u rješavanju ovog problema, uključujući i zakonite napore zasnovane na procesu lociranja nestalih osoba i korištenja modernih forenzičkih metoda za precizno rješavanje ovog problema;

Svjesne gubitka društva kao i gubitaka porodica nestalih osoba zbog njihovog nepronalaženja, uključujući bol koji trpe zbog toga što nemaju saznanja o sudbini nestalih ni o okolnostima njihovog nestanka;

Zapažajući da najviše nestaju muškarci, posebno tokom oružanih sukoba i zbog kršenja ljudskih prava kao i to da su u takvim slučajevima najranjiviji žene i djeca;

Priznajući napore vladinih i nevladinih organizacija da riješe pitanje nestalih širom svijeta;

Potvrđujući da bi države trebalo da preduzmu praktičnije korake za lociranje nestalih osoba u skladu s preuzetim obavezama i međunarodnim pravom, a posebno u skladu sa Instrumentima za ljudska prava i članovima 32.-34. dodatnog protokola I. uz Ženevsku konvenciju;

Napominjući stečena iskustva kroz rad Komisije za nestale osobe, izražavaju spremnost da unaprijede pravni okvir koji će biti koristan u naporima za pronalaženje nestalih osoba;

Podsjećajući da je Međunarodna komisija formirana 1998. godine na Samitu G-7 u Llonu, Francuska, na inicijativu tadašnjeg predsjednika SAD-a Bila Klintonu čiji je zadatak bio da osigura saradnju s vladama s ciljem lociranja nestalih osoba tokom oružanih sukoba u bivšoj Jugoslaviji;

Dalje, podsjećajući da je od 2004. godine Komisija za nestale osobe postala organizacija koja djeluje na globalnom nivou i koja vlastima pomaže tokom procesa lociranja i identifikacije nestalih osoba bilo da su nestali tokom oružanih sukoba, zbog kršenja ljudskih prava, tokom katastrofa koje je izazvao ljudski faktor ili tokom bilo koje nevoljne radnje i da Komisija daje svoj doprinos pravdi i unapređenju vladavine prava i time osigurava poštivanje vladavine prava;

Pozdravljajući Inicijativu s Međunarodne konferencije pod nazivom "Nestali: Tačka dnevnog reda u budućnosti" koja je održana u Hagu 2013. godine uključujući osnivanje Globalnog foruma o nestalim osobama;

Priznajući uspješan rad Međunarodne komisije za nestale osobe kao međunarodne organizacije kao i uspostavljanje jasnog pravnog statusa kako bi ona još bolje ostvarivala svoju funkciju.

Dogovaraju se o sljedećem:

Član I. Formiranje i status

1. Međunarodna komisija (u daljnjem tekstu: Komisija) formira se kao međunarodna organizacija.
2. Komisija je u potpunosti međunarodno pravno tijelo i ima kapacitete neophodne za ostvarivanje funkcije i postavljenih zadataka.
3. Komisija će djelovati u skladu s ovim sporazumom.

Član II. Svrha i funkcija

Komisija se obavezuje da osigura saradnju s vladama i ostalim vlastima u procesu pronalaženja nestalih osoba tokom oružanih sukoba, kršenja ljudskih prava, prirodnih i katastrofa čiji je pokretač ljudski faktor i ostalih razloga te da pruža pomoć. Komisija također podržava rad ostalih organizacija u njihovim naporima, ohrabruje javnost i njihove aktivnosti i daje doprinos unapređivanju adekvatnih mjera vezanih za komemoraciju nestalima.

Član III. Odbor komesara i generalni direktor

1. Komisija čine: Odbor komesara, generalni direktor i osoblje. Članovima Komisije imenuju se istaknute osobe. Sadašnji članovi Odbora komesara navedeni su u Aneksu ovog sporazuma.
2. Odbor komesara, između ostalog, ima pravo da donosi propise vezane za imenovanje Komisije i generalnog direktora te drugog osoblja Komisije. Odbor komesara donosi program rada koji se povremeno može izmijeniti. Programom rada ne obuhvata se period duži od pet godina, a uključuje zahtjev Komisiji za izvršenje prethodno planiranih zadataka.
3. Odbor komesara konsenzusom donosi odluke o pozivu drugim stranama da mu se pridruže. Ostale odluke mogu se donositi s jednim glasom "suzdržan" ili jednim glasom "protiv". Odbor komesara bira jednog komesara za predsjednika.
4. Odbor komesara, prema potrebi, može odlučiti da pozove druge eminentne osobe da mu se pridruže, a može pozvati države na imenovanje komesara, bez obzira na to da li su one potpisnice ovog sporazuma ili nisu.

5. Generalni direktor može imati vanjskog savjetnika i stručnjaka i održavati savjetodavne sastanke koji uključuju prisustvo predstavnika međunarodnih i drugih organizacija, kao i predstavnika civilnog društva i akademske zajednice.

Član IV.

Konferencija država potpisnica

1. Konferencija predstavlja države potpisnice ovog sporazuma.
2. Vlada svake države potpisnice imenuje svog predstavnika da djeluje u svojstvu člana konferencije.
3. Na konferenciji se biraju predsjednik i potpredsjednik.
4. Odbor komesara i generalni direktor sazivaju konferenciju najmanje svake tri godine.
5. Ako bude potrebno organizirati konferenciju u okviru navedenog perioda iz stava 4. ovog člana, takav sastanak moraju sazvati Odbor komesara i generalni direktor, a na zahtjev većine članova konferencije.
6. Na konferenciji se:
 - a. razmatraju izvještaji o radu Komisije;
 - b. predlažu direktive i politike Odbora komesara i program rada;
 - c. državama potpisnicama predlažu mjere za unapređenje ciljeva Komisije;
 - d. usvajaju pravilnici o radu.
7. Odluke se donose većinom glasova prisutnih država potpisnica, uključujući i izbor predsjednika i potpredsjednika.
8. Odbor komesara i generalni direktor mogu na *ad hoc* osnovi pozvati i države koje nisu potpisnice Sporazuma, kao i ostale međunarodne i druge organizacije, koje podržavaju rad Komisije, da učestvuju na konferenciji u svojstvu posmatrača.
9. Generalni direktor poziva državu potpisnicu da bude domaćin konferencije. Troškove putovanja i smještaja vezane za konferenciju snosi svaka država potpisnica. Generalni direktor osigurava sekretarijat konferencije.
10. Konferencija ima Finansijski odbor.

Član V.

Finansijski odbor

1. Odbor čine države potpisnice koje su tokom izvještajnog perioda finansijski podržale Komisiju.
2. Vlada svake države potpisnice iz stava 1. ovog člana imenuje predstavnika koji djeluje u svojstvu člana Odbora.
3. Odbor bira predsjednika i potpredsjednika.
4. Odbor se sastaje u posljednjem kvartalu svake godine.
5. Odbor:

- a. razmatra izvještaj Komisije o aktivnostima za proteklu godinu i naredne godine;
 - b. usvaja preporuke koje se odnose na finansijsko upravljanje Komisije i također uzima u obzir stavove i važne doprinose Komisije;
 - c. pregleda i odobrava finansijske propise i formu izvještavanja Komisije;
 - d. donosi pravilnik o radu Odbora.
6. Predsjedavajući, u dogovoru s generalnim direktorom, može dozvoliti učešće drugih država, bez obzira na to da li su države potpisnice Sporazuma ili nisu, kao i međunarodnih i drugih organizacija, kao posmatrača ali bez prava glasa.
 7. Odbor donosi odluke većinom glasova prisutnih članova.
 8. Svake godine generalni direktor poziva jednog od članova Odbora da bude domaćin sastanka Odbora. Troškove putovanja i smještaja u vezi sa sastankom snosi svaki član.

Član VI. Ovlaštenja

S ciljem realizacije navedenih aktivnosti, Komisija je ovlaštena da:

- a. stekne i raspolaže stvarnom i ličnom imovinom;
- b. sklapa ugovore i druge vrste sporazuma, uključujući sporazume o radu s bankovnim računima i uključuje se u druge bankarske i finansijske transakcije;
- c. zaposli osoblje;
- d. pokrene i pruži odbranu u sudskim postupcima; i
- e. preduzima druge zakonske radnje potrebne za ostvarivanje ciljeva Komisije.

Član VII. Sjedište i međunarodni sporazumi

1. Sjedište Komisije je u Haagu, Holandija. S državom domaćinom Komisija zaključuje sporazum o sjedištu komesara, osoblju, prostorijama, arhivi, imovini, privilegijama i imunitetu, a koji su neophodni za efikasno ostvarivanje funkcije i ispunjavanje svrhe.
2. Komisija traži sklapanje sporazuma s vladama država na osnovu kojih će obavljati svoje aktivnosti. Ovi sporazumi treba da uključuju odredbe koje će biti usklađene s komesarima, osobljem, prostorijama, arhivom, imovinom, privilegijama i imunitetima neophodnim za efikasno ostvarivanje funkcija i ispunjavanje svrhe.
3. Sjedište iz stava 1. ovog člana Komisiji predstavlja referentnu tačku za zaključivanje međunarodnih sporazuma iz stava 2. ovog člana.

Član VIII.

Finansiranje

Finansijski zahtjevi Komisije, uključujući i program rada, moraju biti ispunjeni u formi dobrovoljnih doprinosa, donacija i sličnih oblika prihoda. Nijedna država potpisnica ovog sporazuma ili bilo koja druga država ili međunarodna organizacija, na osnovu ovog sporazuma, neće biti dužna da daje doprinose niti će biti predmet ocjenjivanja ili drugih doprinosa za finansiranje rada Komisije.

Član IX.

Završne odredbe

1. Ovaj sporazum otvoren je za potpisivanje svim državama u Briselu od 15. decembra 2014. godine i u Hagu od 16. decembra 2014. do 16. decembra 2015. godine. Država koja je potpisala ovaj sporazum može objaviti da će ga primjenjivati privremeno, odnosno do njegovog stupanja na snagu.
2. Ovaj sporazum podliježe ratifikaciji, prihvatanju ili odobrenju država potpisnica. Instrumenti ratifikacije, prihvatanja ili odobrenja polažu se kod Vlade Holandije.
3. Ovaj sporazum otvoren je za pristupanje svim državama. Instrumenti pristupanja pohranjuju se kod Vlade Holandije.
4. Ovaj sporazum stupa na snagu 30 dana nakon što dvije države izraze svoj pristanak da budu vezane njime u skladu sa st. 2. ili 3. ovog člana.
5. Za svaku državu koja pristane da bude vezana Sporazumom nakon njegovog stupanja na snagu, on stupa na snagu 30 dana nakon što ta država izrazi želju ili da pristanak da bude vezana za Sporazum.
6. Svaka država potpisnica može se povući iz ovog sporazuma. Povlačenje stupa na snagu 12 mjeseci nakon što depozitar primi obavještenje o povlačenju.
7. Ovaj sporazum zaključuje se na početni period od pet godina, nakon čega se može revidirati ili izmijeniti na inicijativu države potpisnice. Nakon toga, Sporazum se produžava na neodređeno vrijeme.
8. Ovaj sporazum pohranjuje se kod Vlade Holandije, koja će biti depozitar i svakoj državi potpisnici dostaviti ovjerenu kopiju Sporazuma.
9. Depozitar će države koje su potpisale, ratificirale, prihvatile, odobrile ili su pristupile ovom sporazumu u skladu sa st. 1., 2. i 3. ovog člana obavijestiti o sljedećem:
 - a. potpisu, deklaraciji, ratifikaciji, prihvatanju, odobrenju i pristupanju iz st. 1., 2. i 3. ovog člana;
 - b. datumu stupanja na snagu iz st. 4. i 5. ovog člana;
 - c. povlačenju i stupanju na snagu iz stava 6. ovog člana.

U POTVRDU NAVEDENOG doljepotpisani, propisno ovlašteni, potpisuju ovaj sporazum.

Sastavljeno u Briselu, 15. decembra 2014. godine, na engleskom jeziku i u jednom primjerku.

The Director of Treaties
of the Ministry of Foreign Affairs
of the Kingdom of the Netherlands

